

- 18 Heia, Tanhûsære, nû lâ dich iemer bî im vinden,
gar ân allen wandel dîn! sô liebest dich den kinden
und mac dîn leit verswinden.
- 19 Nime den rôsenkranz,
trage in der guoten an den tanz
und stricke in wol ze prise!
lâ dîn trûren sîn,
s nim wâr der lieben frouwen dîn!
si tanzet alsô lîse.
- 20 Vivianz ist clâr.
Gunrûn nimt sîn bezzer wâr,
noch baz danne Echelabiure.
bel amur si hât,
s swanne si die zerlât,
sô frôit sich mîn Parliure.
- 21 Salatîn, der twanc mit sîner milten hânt ein wunder.
sam tet der künig Ermenrîch daz lant ze Belagunder.
- 22 Ez wart nie baz gestalt,
danne ich die minneklîche vant aleine.
mache frô mich, sælic wîp,
lâ tanzen mich an dîner hânt vil reine!
- 23 Seite ich von Ruolande vil, daz tet ich aber nâch wâne.
nû lâzen wir die recken sîn und alle die von Trâne
und die von Bridamâne!
- 24 Ein schampenîe was dâ bî,
ein fôrest stuont dâ nâhen,
dâ was manic bel amîe,
die dar begunden gâhen,
s dô sî mîn lieb ersâhen.
- 25 Wol ûf, mîn guote, zuo mir an den reigen!
mir ist ze muote, wir müezen unsich zweigen.
nâch der vil lieben, der clâren, der süezen,
diu mîner swære ein teil kan gebüezen!
- 26 Wâ nû Jute und Lôse?
hie gât Metze und Rôse.
wâ nû Richi und Tüetel?
hie gêt Bele und Gûetel.
- 27 Schone mit dem kranze
slîchet an dem tanze,
wart nie baz gestalt ein lîp!
nû lâ dich minnen, sælic wîp,
s werdiu créatiure,
Paliure!
- 28 Ir munt bran als ein rubîn gegen der sunnen glaste,
ir kel ein adamaste, der tugende vol ein kaste.
- 29 Wâ nû floeter, herpfer, dar zuo tambûrære?
gegen der guoten, wol gemuoten, diu ist sô
wâ sint nû trumbunære? frôidebare!
- 30 Nû sünge ich vil mêre, nû fürhte ich vil sêre,
daz sîn die verdrieze, swen ich gerne lêre.
- 31 Nû ist dem videlære sîn seite zerbrochen!
daz selbe geschiht im alle die wochen!
- 32 Heia, Tanhûsære,
lâ dir niht wesen swære!
- 33 Swâ man nû singe,
froeliche springe,
- 34 Heia nû hei!

24² fôrest] foret C fores *Sieb.*

20³ Echelabiure] Echelabure C Eschlabiure *Sieb.*

s si] fi C sich *Sieb.*

6 Parliure] parlure C Paliure *Sieb.*